

OFFERYNNAU STATUDOL CYMRU

2006 No. 126

**Rheoliadau Grantiau a Benthyciadau Dysgu
y Cynulliad (Addysg Uwch) (Cymru) 2006**

RHAN 7

BENTHYCIADAU AT GOSTAU BYW

Amodau'r hawl i gael benthyciadau at gostau byw

31.—(1) Mae gan fyfyrwr cymwys hawl i gael benthyciad at gostau byw mewn cysylltiad â'i bresenoldeb ar gwrs dynodedig os yw'r myfyrwr yn bodloni'r amod ym mharagraff (2) ac nad yw'n cael ei hepgor gan baragraff (3) na rheoliad 7.

(2) Yr amod y cyfeirir ato ym mharagraff (1) yw bod y myfyrwr cymwys o dan 60 oed ar y dyddiad perthnasol.

(3) Nid oes gan fyfyrwr cymwys hawl i gael benthyciad at gostau byw os paragraff 7 yw'r unig baragraff o 1 i 8 o Atodlen 1 y mae'r myfyrwr yn syrthio odano.

Uchafswm benthyciadau i fyfyrwyr cymwys dan yr hen drefn sydd â hawlogaeth lawn

32.—(1) Yn ddarostyngedig i reoliadau 36 i 41, uchafswm y benthyciad at gostau byw y mae gan fyfyrwr cymwys dan yr hen drefn sydd â hawlogaeth lawn hawl i'w gael mewn perthynas â blwyddyn academiaidd (ac eithrio blwyddyn derfynol cwrs carlam), yw—

- (a) i fyfyrwr yng nghategori 1, £3,415;
- (b) i fyfyrwr yng nghategori 2, £6,170;
- (c) i fyfyrwr yng nghategori 3, £5,255;
- (ch) i fyfyrwr yng nghategori 4, £5,255;
- (d) i fyfyrwr yng nghategori 5, £4,405.

(2) Yn ddarostyngedig i reoliadau 36 i 41, uchafswm y benthyciad at gostau byw y mae gan fyfyrwr cymwys dan yr hen drefn sydd â hawlogaeth lawn hawl i'w gael mewn perthynas â blwyddyn academiaidd sy'n flwyddyn derfynol cwrs heblaw cwrs carlam yw—

- (a) i fyfyrwr yng nghategori 1, £3,085;
- (b) i fyfyrwr yng nghategori 2, £5,620;
- (c) i fyfyrwr yng nghategori 3, £4,570;
- (ch) i fyfyrwr yng nghategori 4, £4,570;
- (d) i fyfyrwr yng nghategori 5, £4,080.

Uchafswm benthyciadau i fyfyrwyr cymwys dan y drefn newydd sydd â hawlogaeth lawn

33.—(1) Mae'r rheoliad hwn yn gymwys i fyfyrwr cymwys dan y drefn newydd sydd â hawlogaeth lawn, ac eithrio myfyriwr math 1 neu fath 2 ar gwrs hyfforddi athrawon, pan fo incwm yr aelwyd uwchlaw £37,900.

(2) Yn ddarostyngedig i reoliadau 36 i 41, mae uchafswm y benthyciad at gostau byw y mae gan fyfyrwr y mae'r rheoliad hwn yn gymwys iddo hawl i'w gael mewn perthynas â blwyddyn academaidd (ac eithrio blwyddyn derfynol cwrs nad yw'n gwrs carlam) yn hafal i (X–Y)—

Os

X

- (i) i fyfyrwr yng nghategori 1, yw £3,415;
- (ii) i fyfyrwr yng nghategori 2, yw £6,170;
- (iii) i fyfyrwr yng nghategori 3, yw £5,255;
- (iv) i fyfyrwr yng nghategori 4, yw £5,255;
- (v) i fyfyrwr yng nghategori 5, yw £4,405;

Y yw swm y grant cynhaliaeth.

(3) Yn ddarostyngedig i reoliadau 36 i 41, mae uchafswm y benthyciad at gostau byw y mae gan fyfyrwr y mae'r rheoliad hwn yn gymwys iddo hawl i'w gael mewn perthynas â blwyddyn academaidd sy'n flwyddyn derfynol cwrs nad yw'n gwrs carlam yn hafal i (X–Y)—

Os

X

- (i) i fyfyrwr yng nghategori 1, yw £3,085;
- (ii) i fyfyrwr yng nghategori 2, yw £5,620;
- (iii) i fyfyrwr yng nghategori 3, yw £4,570;
- (iv) i fyfyrwr yng nghategori 4, yw £4,570;
- (v) i fyfyrwr yng nghategori 5, yw £4,080;

Y yw swm y grant cynhaliaeth.

(4) Yn y rheoliad hwn, “swm y grant cynhaliaeth” (“*the maintenance grant amount*”)—

- (a) os oes gan y myfyriwr hawl o dan reoliad 29 i gael swm o grant cynhaliaeth heb fod uwchlaw £1,200, yw swm y grant cynhaliaeth sy'n daladwy;
- (b) os oes gan y myfyriwr hawl o dan reoliad 29 i gael swm o grant cynhaliaeth uwchlaw £1,200, yw £1,200; ac
- (c) os nad oes grant cynhaliaeth yn daladwy, yw dim.

34.—(1) Mae'r rheoliad hwn yn gymwys i fyfyrwr math 1 a myfyriwr math 2 ar gwrs hyfforddi athrawon pan fo incwm yr aelwyd uwchlaw £37,900.

(2) Yn ddarostyngedig i reoliadau 36 i 41, uchafswm y benthyciad at gostau byw y mae gan fyfyrwr y mae'r rheoliad hwn yn gymwys iddo hawl i'w gael mewn perthynas â blwyddyn academaidd (ac eithrio blwyddyn derfynol cwrs nad yw'n gwrs carlam) yw—

- (a) £3,415, i fyfyrwr yng nghategori 1;
- (b) £6,170, i fyfyrwr yng nghategori 2;
- (c) £5,255, i fyfyrwr yng nghategori 3;
- (ch) £5,255, i fyfyrwr yng nghategori 4;
- (d) £4,405, i fyfyrwr yng nghategori 5.

(3) Yn ddarostyngedig i reoliadau 36 i 41, uchafswm y benthyciad at gostau byw y mae gan fyfyrwr y mae'r rheoliad hwn yn gymwys iddo hawl i'w gael mewn perthynas â blwyddyn academaidd cwrs (ac eithrio blwyddyn derfynol cwrs nad yw'n gwrs carlam) yw—

- (a) £3,085, i fyfyrwr yng nghategori 1;
- (b) £5,620, i fyfyrwr yng nghategori 2;
- (c) £4,570, i fyfyrwr yng nghategori 3;
- (ch) £4,570, i fyfyrwr yng nghategori 4;
- (d) £4,080, i fyfyrwr yng nghategori 5.

Myfyrwr sydd â hawlogaeth wedi ei gostwng

35.—(1) Yn ddarostyngedig i reoliadau 36 i 41, mae uchafswm y benthyciad at gostau byw y mae gan fyfyrwr, sydd â hawlogaeth wedi ei gostwng, hawl i'w gael mewn perthynas â blwyddyn academaidd cwrs (ac eithrio blwyddyn derfynol cwrs nad yw'n gwrs carlam) fel a ganlyn—

- (a) os yw'r myfyrwr yn syrthio o dan reoliad 18(3)(a) neu 18(3)(b)—
 - (i) £1,620, i fyfyrwr yng nghategori 1;
 - (ii) £3,030, i fyfyrwr yng nghategori 2;
 - (iii) £2,160, i fyfyrwr yng nghategori 3;
 - (iv) £2,160, i fyfyrwr yng nghategori 4;
 - (v) £2,160, i fyfyrwr yng nghategori 5;
- (b) os yw'r myfyrwr yn syrthio o dan reoliad 18(3)(c) neu 18(5)—
 - (i) £1,620, i fyfyrwr yng nghategori 1;
 - (ii) £3,030, i fyfyrwr yng nghategori 2;
 - (iii) £2,585, i fyfyrwr yng nghategori 3;
 - (iv) £2,585, i fyfyrwr yng nghategori 4;
 - (v) £2,160, i fyfyrwr yng nghategori 5;
- (c) os yw'r myfyrwr yn gwneud cais am fenthyciad at gostau byw ac yn dewis peidio â rhoi manylion am incwm ei aelwyd—
 - (i) £2,560, i fyfyrwr yng nghategori 1;
 - (ii) £4,630, i fyfyrwr yng nghategori 2;
 - (iii) £3,940, i fyfyrwr yng nghategori 3;
 - (iv) £3,940, i fyfyrwr yng nghategori 4;
 - (v) £3,905, i fyfyrwr yng nghategori 5.

(2) Yn ddarostyngedig i reoliadau 36 i 41, mae uchafswm y benthyciad at gostau byw y mae gan fyfyrwr, sydd â hawlogaeth wedi ei gostwng, hawl i'w gael mewn perthynas â blwyddyn academaidd cwrs sy'n flwyddyn derfynol cwrs nad yw'n gwrs carlam fel a ganlyn—

- (a) os yw'r myfyrwr yn syrthio o dan reoliad 18(3)(a) neu 18(3)(b)—
 - (i) £1,230, i fyfyrwr yng nghategori 1;
 - (ii) £2,320, i fyfyrwr yng nghategori 2;
 - (iii) £1,680, i fyfyrwr yng nghategori 3;
 - (iv) £1,680, i fyfyrwr yng nghategori 4;
 - (v) £1,680, i fyfyrwr yng nghategori 5;
- (b) os yw'r myfyrwr yn syrthio o dan reoliad 18(3)(c) neu 18(5)—

- (i) £1,320, i fyfyrwr yng nghategori 1;
 - (ii) £2,320, i fyfyrwr yng nghategori 2;
 - (iii) £1,885, i fyfyrwr yng nghategori 3;
 - (iv) £1,855, i fyfyrwr yng nghategori 4;
 - (v) £1,680, i fyfyrwr yng nghategori 5;
- (c) os yw'r myfyrwr yn ceisio am fenthyciad at gostau byw ac yn dewis peidio â rhoi manylion am incwm ei aelwyd—
- (i) £2,315, i fyfyrwr yng nghategori 1;
 - (ii) £4,215, i fyfyrwr yng nghategori 2;
 - (iii) £3,430, i fyfyrwr yng nghategori 3;
 - (iv) £3,430, i fyfyrwr yng nghategori 4;
 - (v) £3,060, i fyfyrwr yng nghategori 5;

Myfyrwyr sy'n preswyllo gyda'u rhieni

36.—(1) Yn ddarostyngedig i baragraff (2), os yw myfyrwr cymwys yn preswyllo yng nghartref ei rieni a bod y Cynulliad Cenedlaethol wedi'i fodloni nad yw'n rhesymol, o dan yr holl amgylchiadau, i rieni'r myfyrwr gynnal y myfyrwr oherwydd oedran, analluedd neu fel arall ac y byddai'n briodol i swm y benthyciad sy'n daladwy i fyfyrwr mewn categori heblaw categori 1 fod yn gymwys yn achos y myfyrwr hwnnw, rhaid trin y myfyrwr fe pe na bai'n preswyllo yng nghartref ei rieni.

(2) Nid yw paragraff (1) yn gymwys i fyfyrwr cymwys sy'n dechrau ar gwrs ar neu ar ôl 1 Medi 2004.

(3) Os yw myfyrwr cymwys yn aelod o urdd grefyddol sy'n preswyllo yn un o dai ei urdd, trinnir y myfyrwr fel pe bai'n preswyllo yng nghartref ei rieni.

Benthyciadau at gostau byw sy'n daladwy ar gyfer tri chwarter y flwyddyn academiaidd

37. Mae benthyciad yn daladwy mewn perthynas â thri chwarter o'r flwyddyn academiaidd ac nid yw'n daladwy mewn perthynas â'r chwarter y mae'r hiraf o unrhyw wyliau yn digwydd ynddo ym marn y Cynulliad Cenedlaethol.

Myfyrwyr sy'n syrthio i fwy nag un categori

38.—(1) Os yw myfyrwr yn syrthio i fwy nag un o'r categorïau yn rheoliad 35 yn ystod y flwyddyn academiaidd—

- (a) uchafswm y benthyciad am y flwyddyn academiaidd yw cyfanswm uchafsymiau'r benthyciad am bob chwarter y mae'r benthyciad yn daladwy mewn perthynas ag ef;
- (b) uchafswm y benthyciad am bob chwarter o'r fath yw traean o uchafswm y benthyciad a fyddai'n gymwys am y flwyddyn academiaidd pe bai'r myfyrwr yn syrthio i'r categori sy'n gymwys i'r chwarter perthnasol drwy gydol y flwyddyn academiaidd; ac
- (c) yn ddarostyngedig i baragraff (2), y categori sy'n gymwys i chwarter yw'r canlynol—
 - (i) y categori y mae'r myfyrwr yn syrthio iddo am y cyfnod hwyaf yn y chwarter hwnnw; neu
 - (ii) os yw'r myfyrwr yn syrthio i fwy nag un categori am gyfnod cyfartal yn y cyfnod hwnnw, y categori sydd â'r gyfradd uchaf o fenthyciad am y flwyddyn academiaidd.

(2) Ni ellir cymhwysu categori 3 at chwarter oni bai bod y myfyriwr yn bresennol mewn sefydliad dros y môr am hanner o leiaf o gyfnod y chwarter hwnnw.

Myfyrwyr sy'n dod yn gymwys yn ystod blwyddyn academiaidd

39.—(1) Os yw myfyriwr yn dod yn fyfyrwr cymwys yn ystod blwyddyn academiaidd o ganlyniad i un o'r digwyddiadau a restrir ym mharagraff (2), gall fod gan y myfyriwr hwnnw hawl i gael benthyciad at gostau byw, mewn perthynas â'r chwarteri hynny o'r flwyddyn academiaidd honno y mae benthyciad at gostau byw yn daladwy ynddynt sy'n dechrau ar ôl i'r digwyddiad perthnasol ym mharagraff (2) ddigwydd.

(2) Y digwyddiadau y cyfeirir atynt ym mharagraff (1) yw—

- (a) bod cwrs y myfyriwr yn dod yn gwrs dynodedig; neu
- (b) bod y myfyriwr, priod y myfyriwr, partner sifil y myfyriwr neu riant y myfyriwr yn cael ei gydnabod fel ffoadur neu'n cael caniatâd i ddod i mewn i'r Deyrnas Unedig neu i aros yno fel y crybwyllir ym mharagraff 3 o Atodlen 1.

(3) Nid oes gan fyfyrwr cymwys y mae paragraff (1) yn gymwys iddo hawl i gael benthyciad at gostau byw mewn perthynas ag unrhyw flwyddyn academiaidd sy'n dechrau cyn y flwyddyn academiaidd y mae'r digwyddiad perthnasol yn digwydd.

(4) Uchafswm y benthyciad at gostau byw sy'n daladwy yw cyfanswm uchafsymiau'r benthyciad am bob chwarter y mae gan y myfyriwr hawl i gael cymorth o dan y rheoliad hwn.

(5) Uchafswm y benthyciad am bob chwarter o'r fath yw traean o uchafswm y benthyciad a fyddai'n gymwys am y flwyddyn academiaidd pe bai'r myfyriwr yn syrthio i'r categori sy'n gymwys i'r chwarter perthnasol drwy gydol y flwyddyn academiaidd.

Codiadau yn yr uchafswm

40.—(1) Os yw'n ofynnol i fyfyrwr cymwys fod yn bresennol ar ei gwrs am gyfnod sy'n fwy na 30 wythnos a 3 diwrnod mewn blwyddyn academiaidd, rhaid codi uchafswm y benthyciad at gostau byw a bennir yn rheoliadau 32 i 35 ar gyfer pob wythnos neu bob rhan o wythnos o bresennoldeb yn y flwyddyn academiaidd honno y tu hwnt i 30 wythnos a 3 diwrnod fel a ganlyn:

- (a) i fyfyrwr yng nghategori 1, codiad o £51;
- (b) i fyfyrwr yng nghategori 2, codiad o £98;
- (c) i fyfyrwr yng nghategori 3, codiad o £107;
- (ch) i fyfyrwr yng nghategori 4, codiad o £107;
- (d) i fyfyrwr yng nghategori 5, codiad o £77.

(2) Os yw myfyriwr cymwys yn bresennol ar ei gwrs am gyfnod heb fod yn llai na 45 wythnos mewn unrhyw gyfnod di-dor o 52 wythnos, rhaid codi swm y benthyciad at gostau byw a bennir yn rheoliadau 32 i 35 ar gyfer pob wythnos yn ystod y cyfnod o 52 wythnos pan nad oedd y myfyriwr yn bresennol yn ôl y symiau y cyfeirir atynt ym mharagraff (1).

(3) Nid yw'r rheoliadau hyn yn gymwys yn achos myfyriwr sydd â hawlogaeth wedi ei gostwng

Didynnu o fenthyciadau at gostau byw

41.—(1) Yn unol â rheoliad 46, caniateir didynnu o'r benthyciad at gostau byw a gyfrifir o dan y Rhan hon mewn perthynas â myfyriwr cymwys dan yr hen drefn sydd â hawlogaeth lawn neu fyfyrwr dan y drefn newydd sydd â hawlogaeth lawn.

(2) O dan reoliad 46, ni chaniateir didynnu o'r benthyciad at gostau byw a gyfrifir o dan y Rhan hon mewn perthynas â myfyriwr sydd â hawlogaeth wedi ei gostwng.

Dehongli Rhan 7

42.—(1) Yn y rheoliad hwn—

- (a) mae myfyriwr yng nghategori 1 os yw'n preswyllo yng nghartref ei rieni tra bydd yn bresennol ar y cwrs dynodedig;
- (b) mae myfyriwr yng nghategori 2 os nad yw yng nghategori 1 a'i fod yn bresennol ar un neu fwy o'r canlynol—
 - (i) cwrs ym Mhrifysgol Llundain;
 - (ii) cwrs mewn sefydliad sy'n ei gwneud yn ofynnol iddo fod yn bresennol am hanner o leiaf o gyfanswm yr amser mewn unrhyw chwarter o'r cwrs yn y flwyddyn academiaidd ar safle sydd yn gyfan gwbl neu yn rhannol yn ardal Dinas Llundain a chyn Ardal yr Heddlu Metropolitanaidd; neu
 - (iii) cwrs rhyngosod mewn sefydliad sy'n ei gwneud yn ofynnol i'r myfyriwr cymwys ymgymryd â phrofiad gwaith neu gyfuniad o brofiad gwaith ac astudio ar yr amod bod y myfyriwr yn ymgymryd â'r profiad gwaith hwnnw neu'r cyfuniad hwnnw o brofiad gwaith ac astudio am hanner o leiaf o gyfanswm yr amser mewn unrhyw chwarter o'r cwrs yn y flwyddyn academiaidd ar safle neu safleoedd sydd yn gyfan gwbl neu'n rhannol yn ardal Dinas Llundain a chyn Ardal yr Heddlu Metropolitanaidd;
- (c) mae myfyriwr yng nghategori 3 os nad yw yng nghategori 1 a'i fod yn bresennol mewn sefydliad dros y môr fel rhan o'i gwrs am o leiaf wyth wythnos yn olynol yn y flwyddyn academiaidd;
- (ch) mae myfyriwr yng nghategori 4 os nad yw yng nghategori 1 a'i fod yn bresennol yn y Sefydliad Prydeinig ym Mharis;
- (d) mae myfyriwr yng nghategori 5 os nad yw yng nghategoriâu 1 i 4.
- (dd) ystyr “y dyddiad perthnasol” (“*the relevant date*”) yw diwrnod cyntaf blwyddyn gyntaf y cwrs dynodedig a bennir;
- (e) “myfyriwr cymwys dan y drefn newydd sydd â hawlogaeth lawn” (“*new system eligible student with full entitlement*”) yw myfyriwr cymwys dan y drefn newydd ac eithrio myfyriwr sydd â hawlogaeth wedi ei gostwng;
- (f) “myfyriwr cymwys dan yr hen drefn sydd â hawlogaeth lawn” (“*old system eligible student with full entitlement*”) yw myfyriwr cymwys ac eithrio myfyriwr sydd â hawlogaeth wedi ei gostwng;
- (ff) “myfyriwr sydd â hawlogaeth wedi ei gostwng” (“*student with reduced entitlement*”) yw myfyriwr cymwys
 - (i) nad yw'n gymwys am grant at gostau byw neu gostau eraill yn rhinwedd rheoliad 18(3)(a) neu 18(3)(b);
 - (ii) nad yw'n gymwys am grant at gostau byw yn rhinwedd rheoliad 18(3)(c) nac 18(5); neu
 - (iii) sydd, pan yn ymgeisio am fenthyciad at gostau byw, yn dewis peidio rhoi manylion am incwm ei aelwyd;
 - (iv) os mai hyd cwrs ar gyfer hyfforddiant cychwynnol athrawon yw un flwyddyn academiaidd yn unig, nid yw'r flwyddyn honno i gael ei thrin fel y flwyddyn derfynol.